



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1595. usque ad annum 1600

Fleury, Claude

August. Vind. [u.a.], 1773

VD18 90118677

§. 74. Edicti Nannetensi promulgatio.

[urn:nbn:de:hbz:466:1-67263](https://nbn-resolving.org/urn:nbn:de:hbz:466:1-67263)

Sæcul. XVI.

A. C. 1599.

ne illorum urbs deprædatione, vel uno
 roso præsidio vexaretur, illud propo-
 tum concepissent, nunc autem ab eo
 lieni essent: nec tamen propterea Me-
 doza animum despondens, Nuntium,
 bene cœpta generose prosequeretur
 hortatus est, cujus etiam ministerio
 Vesaliensi Magistratu impetratum, ut
 omnia urbis templa in Nuntii potestatem
 venirent, necnon occupata Ecclesiæ bo-
 na in alendos sacerdotes impenderetur,
 cunctisque hæreticæ sectæ ministris
 exulare iussis Catholica Religio revo-
 caretur. His ita constitutis Garzadus
 plura templa solemnibus ritibus ex-
 piabat, & populum sacris concionibus,
 puerosque frequenti doctrinæ christianæ
 expositione instrui curabat: observa-
 batur tamen, quod perpauca quotidia-
 no Missæ sacrificio interesse consueve-
 rint, quæ res malo omine simulatum
 Religionis studium prodebat, ac brevi
 futuram a suscepta fide defectionem
 præsagebat, prout & eventus docuit.

§. LXXIV.

*Edicti Nannetensis promulgatio.**Spond. l. c.*

n. 10.

*Bul. Const. 63**Thu. l. 122.*

Jam anno superiori memoravimus, quod
 Henricus IV. Franciæ Rex Hugo-
 nottis conscientiæ libertatem, condito
 apud Nannetes edicto, indulgisset, cujus
 tamen promulgatio hucusque semper
 disse-

differebatur ob reverentiam erga Ale-^{Sæcul. XVI.}
xandrum Medicæum Florentinum Car-^{A.C. 1599.}
dinalem, ac Legatum Apostolicum, qui
quamplurimis etiam Parisiensis Curix
Senatoribus, Regnique Præsulibus ve-
hementer obluçantibus hoc edictum in
opus deduci, constanter præpediebat:
eo autem Romam reverso Rex hujus
viri absentia fretus ex singulis Curix
classibus Deputatos ad Luparam Re-
giam convocabat, eisque gravi sermone
persuadere nitebatur, quod hoc edictum
non tam in Hugonottarum, quam Ca-
tholicorum favorem conditum, ac brevi
in veræ Religionis augmentum redun-
daturum sit, dummodo libera il ius exe-
cutio ipsius prudentix relinqueretur, at-
que a pio hoc proposito novis injectis
difficultatibus non præpediretur: verum
ægre admodum Rex id Senatoribus,
Cleroque persuadebat, ac necesse fue-
rat, ut in opem vocaret Lazarum Coque-
lejum Senatorem, egregiumque decla-
matorem, qui multis argumentis edicti
utilitatem comprobata reddere iata-
gebat: tandem vero paulo majori suf-
fragiorum numero impetrabat, ut hoc
edictum Parisiis hoc anno die vigesima
quinta Februarii promulgaretur: qua-
propter confestim ex Nobilibus, & ju-
dicum Ordine duos selegit, qui per sin-
gulas regni provincias hujus edicti ar-
ticu-

Sæcul. XVI. titulos in usum deduci curarent. Ad
A. C. 1599. hæc agendi ratio summo Pontifici ma-
 nopere displicuit; cum enim quodam
 hujus edicti articulo sancitum esset, ut
 Protestantes promiscue ad honores, &
 Magistratus admitterentur, haud immerito
 verebatur, ne porta hæreticis ad di-
 gnitates publicas aperta, hi & potentia
 & auctoritate crescentes orthodoxam
 fidem opprimerent, Catholicosque mi-
 nimo superarent, quapropter Osius
 Cardinalis, qui Franciæ res Romæ pro-
 curabat, omnis eloquentiæ suæ fontes
 exhaurire cobeatur, nec tamen inter-
 num Pontificis mærorem desuper con-
 ceptum leniisset, nisi eidem præter alia
 exposuisset, quod Rex duntaxat duræ
 necessitatis violentia adactus, ut pacem
 regno suo redderet, hoc edictum pro-
 mulgasset, exinde vero ingens Ecclesiæ
 Gallicanæ emolumentum redundaret,
 eoquod in pluribus regni urbibus Ca-
 tholica Religio restituenda foret, atque
 Hugonottarum non pauci per ipsum Re-
 gem, ejusque Prælatos ad veram fidem
 facilius pacis beneficio, quam civili be-
 llo sine edicti promulgatione haud evi-
 tando reduci valerent: porro hac po-
 tissimum ratione Clemens Papa permo-
 tus die vigesima Augusti ad Archiepis-
 copum Lugdunensem, ceterosque Fran-
 ciæ Præsules epistolam Pastoralem trans-
 misit.

misit, in qua illos hortabatur, ut ad eas Sæcul. XVI.
 regiones, civitates, & loca, in quibus Ca- A. C. 1599.
 tholicæ Religionis usus restituitur, & di-
 vini cultus sacræ functiones renovantur,
 & sacramentorum administratio iterum in
 mores inducitur, atque instauratur, Cleri-
 cos, & Sacerdotes probatissimos mitte-
 rent, qui non solum doctrina, & rerum
 Ecclesiasticarum usu, sed vitæ integritate,
 & prudentia præsent, qui zelo honoris
 Dei, & salutis animarum sint incensi, qui
 vere omni sua actione fidelem populum æ-
 dificent, & non destruant, qui non terre-
 na compendia, sed animarum lucrum quæ-
 rant, qui denique novellas plantationes co-
 lant, rigent in spiritu charitatis & pa-
 tientia, ut ab eo, qui est fons perennis bono-
 rum omnium, accipiant incrementum.

§. LXXV.

Turbæ in Belgio continuatæ.

Ad initium hujus anni haud exiguus Gallat. l. c.
 Antverpiæ suscitabatur tumultus; l. 11
 quippe fœderatorum milites, cum val- Harvæus
 lum quoddam, quo transitus ab Ant- annal. tu-
 verpiana urbe in Flandriam custoditur, mult. bellic.
 negligenter munitum, per exploratores ad ann. 1599
 cognoscerent, die decima octava Janua-
 ri inopinato propugnaculum e regione
 Antverpiæ situm aggrediebantur, cæ-
 sisque paucis, quos armatos offenderant,
 præda onusti ad vicinas munitiones
 suas

Hist. Eccles. Tom. LII. Ff